

Universitätsbibliothek Paderborn

Instructio Practica ...

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà
cum Rubricis ejusdem Missæ brevibus Notis illustratis

Lohner, Tobias

Dilingæ, 1676

§. 2. De Vestibus Celebrantis.

[urn:nbn:de:hbz:466:1-48307](#)

bere volunt, contrarium tamen non improbabiliter docent Lugo, Dian. Laym. & alij apud Busenb. l. c. n. 5. modò Sacerdos moraliter certus sit, se non erraturum, aut ad hunc ipsum finem Missam in charta descriptam ante se habeat. 4. *Tabella Secretarum*, parva campanula, ampullæ vitreæ vini & aquæ (quas tamen usus probat, ex alia materia fieri posse) cum pelvica & manutergio mundo.

§. II.

De Vestibus Celebrantis:

I. **Q**UAESTIO I. Quæ Vests requirantur ad celebratum Sacerdotem vestiendum? R. Sex potissimum, scilicet *Humerale seu Amititus*, *Alba seu Tunica*, *Cingulum*, *Manipulus*, *Stola*, *Planeta*. Ex quibus quidem Alba & Planeta sine peccato gravi omitti non possunt unquam, nisi in gravissimo periculo vitæ propriæ, aut salutis alienæ amittendæ; sine una tamen alterave ex reliquis celebrari posse, vel ad vitandum murmur populi, vel Infirmum communicandum, vel etiam fervorem devotionis, necessitatem audiendi sacri die Festo, acquisitionem stipendij, si non sit dives Sacerdos, probabiliter docent Tamburinus l. c. c. 3. §. 3. q. 5. & alij plures apud P. Gobat n. 351. cc. qui n. 353. addit, posse Sacerdotem in Cinguli defectu ligamina Casulæ, vel ipsam Stolam accipere, quæ etiam pro Manipulo, uti hic vi-

cissim pro Stola, servire potest.
II. Q. 2. Quid in his vestibus præcipue observandum sit? R. Tria præcipue. 1. *Color*, quem Missæ convenientem oportet esse; de quo P. Gobat n. 382. sic loquitur: Rubricæ tit. 18. n. 1. Verbo *Debet* utuntur; sed hoc Verbum non capiunt pauperes Ecclesiæ; nec facilè committetur peccatum grave non parendo huic Rubricæ, nisi scandalum adsit, sicut si die Resurrectionis neglectis, quæ habentur, aut albis, aut rubris Casulis, nigræ adhiberentur. Sed utique quocunque die satius est facere Sacrum in quocunque colore, quam omittere; nec damno eum, qui adhibet Velum Calicis discolor à Casula. Ita ille. Illud tamen adhuc quæri potest hoc loco, quando mutatio Paramentorum facienda sit? & respondetur, eam in primis Vesperis faciendam esse. Si autem Vesperæ

non



non dicuntur integræ de aliquo , tum initio Vesperarum is color adhibendus est , qui Festo , de quo Capitulum dicitur , congruit . Quòd si Officium & Missa discordant , color Altaris officium sequi debet ; vestium autem Sacerdotalium color , Missæ respondere ; quæ diversitas in Feria tertia Rogationum , & in Vigilijs infra Octavas occurribus accidere solet . Pro Missa verò solenini convenit , ut Pallium Altaris cum colore Paramentorum Missæ concordet . 2. *Mundities* : quam adeò necessariam Gordanus l. 4. tit. 1. n. 278 & alij Authores apud P. Gobat n. 204. cc. esse volunt , ut Sacrificiæ Præfectos peccati mortalis damnare audeant , si eorum culpâ fiat , ut vestes & paramenta valde immunda non mundentur , priusquam in ijs sacrificetur . Celebrantem tamen , qui , si alia haberi non queant , utitur talibus paramentis , non peccare Suar . f. 81. t. 3. asserit . 3. *Benedictio* : quæ adeò necessaria est , ut teste P. Gobat n. 198. omnes peccati mortalis damnent illum , qui utitur non benedictis , excepto cingulo , de quo mitius loquuntur Fagund . præc . 1. l. 3. n. 12. Diana p. 2. tr. 14. ref. 68. & plures alij ab eodem num. 199. relati .

§. III.

De Calice.

I. **Q**UÆSTI^O I. *Quid potissimum in Calice spectari debet?* R^E. Tria præcipue . 1. Materia . 2. Ornatus . 3. Consecratio .

II. Q. 2. *Quid circa materiam observandum?* R^E. Ut , quantum fieri potest , Calix aureus vel argenteus sit , aut Cupram saltem argenteam , & intus inauratam habeat . Tanneerus tamen d . 5. q . 10. n . 52. & alij passim volunt sufficere , si stanneus sit , quemadmodum usus in multis locis probat . Lugo d . 20. n . 90. etiam cupreum intus inauratum permittit , asserens Romæ innumeros esse tales : Imò nec plumbeum in necessitate , vel magna paupertate repudiant Theologi , teste P. Gobat n . 306. qui etiam addit ex communi sensu , & usu , non esse necessariam interiorem deaurationem , si argenteus vel stanneus sit .

III. Q. 3. *Quid circa Ornatum observandum sit?* R^E. 1. Ad hunc Ornatum requiri Purificatorium , in cuius medio ,

vel

